



Ямде лий

ВЛКСМ МАРОБКОМЫН ОРГАНЖЕ

Адрес: Йошкар-Ола, Совет пöрг, „Ямде лий“ редакция



ШКОЛЛАШТЕ ИСПЫТАНИЙ

„Отлично“ ден „хорошо“ отметкына родинылан эн шерге пöлек!

Мемнан классыште чылаже 35 тунемше улыт. Ме чыланат тыршен тунемына, садланак мемнан классыште шенгелан кодшо ик тат уке. Мемнам Мария Федоровна Никитина туныкта, ме тудым пеш пагалена, чыла ойжым колыш тына, шудымжым шуктена. Садлан тудат мемнам йöрата, пагала. Мыланна кажне кечын у деч у шинчымашым пуа.

Ме але тевий первый гана вышкной испытанийым сдатлышна. Мемнам классыште кум предмет—руш йылме письменный, арифметика письменный адак география дене устий испытаний лийын.

Испытанийлан ме чыланат сайын ямдылалтын улына. Тиде тышеч коеш: руш йылме дене письменный испытанийыште ик тунемше велö „посредственно“ сдатлен, мо-лышт чыланат „отлично“ да „хорошо“ отметкым налын. Арифметика дене 20 „отлично“, 9 „хорошо“, 6 „посредственно“. География дене 21 „отлично“, 10 „хорошо“, 4 „посредственно“ лийын. Маркова Тамара, Шубина Эра, Никулина Тамара, Коровин Гена, Барабанов Вена, Краснова Клара да моло-шамычат испытанийыште чыла предмет денат „отлично“ отметкым налын.

Мемнан „отлично“ ден „хорошо“ отметкына родинылан да великий Сталинан эн шерге пöлек!

Отличник-шамыч:

Бахтин Толя,
Маркова Тамара,
Кириллов Гена,
Полысалова Лида.

Йошкар-Ола,
1-ше номеран начальная школа,
4-ше „Б“ класс.



Медведево средней школы (Йошкар-Ола район) 6-шо классыште проверочный испытаний. Снимкыште: Анатолий Токарев руш йылме дене отвечает.

Фото А. Овечкиных.



Музыкальный школыш тунемаш кошшо отличник-шамыч (школа гыч): Мило-видова Тая, Колпик-в Алик, Ермолова М., Калина Вероника, Миловидова Феля, Васильева Соня да Смирнов Юра. Фото С. Чуршукых.

Ваш-ваш полшымаш сай результатим пуыш

Мый испытанийлан Тая Вершинина, Соня Шущалыкова йолта-шем-шамыч дене пыр-ля ямдылалтын улына. Эн ончыч теле гоч мом тунеммынам повторит-лена, а варажым ваш-ваш йодышым пуэден-на да ответчена ыле. Тыге йодыш-маш кугу пайдам пу-ыш. Тидеже испыта-ний годым пеш раш пале лие. Кызыт ме испытанийыште чыла йодыш-шамычлан вол-новатлыде ответчле-на.

Мемнан классыште эн ондак географий де-не испытаний лие. Ко-кымшо испытаний ал-гебра дене лийын. Нине предмет-шамыч дене ме кумытынат „отлично“ отметкым налын улына.

Некрасова Вера.
Йошкар-Ола, 9 номеран
школа, 6-шо „А“ класс.

Шыже испытанийлан кодын

Кугу Чигаш непол-ный средней школыш 4-ше классыште тунем-ше Калинин Александр теле мучко бркан-тен тунемын: уроклан ок ямдылалт, мбгго пу-мо пашам огеш ыш-те ыле. Адак угларак-шым арифметика уро-кышто тунуктышым умылтарымыжым ко-лыштын огыл. Вес па-ша дене заниматлен. Садлан тудо испыта-нийыштат арифметика дене „плохо“ отмет-кым нал. Александр брканен тунеммыжлан лийын, шыже испыта-нийлан кодо.

Сима.

Йошкар-Ола район.



Мутнам шуктышна

Ме Полысалова Ли-да дене соревноват-лен тунемын улына. Лида чыла чырыкыш-тат „отлично“ отмет-ка дене тунемын, а мый „хорошо“ отмет-ка дене тунемым. Тудо отличница, мый ударница улам.

Ме испытанийланат Лида дене коктыя ям-дылалтын улына. 3-шо чырыкым тунем пы-тарышна да провероч-ный испытанийыште „хорошо“ да „отлич-но“ отметка дене сдатлашлан сайын ям-дылалташ мутым пу-ышна.

Мутнам шуктышна, испытанийыште ик „посредственно“ от-меткымат налын оgy-нал, чыла „отлично“ да „хорошо“ велö улыт.

Бажинна Люся.
Йошкар-Ола,
1-ше номеран школа,
4-ше класс.

Испытанийын пытартыш кечыже

25-ше майыште мемнан клас-сыш география дене сдат-лыш. Мый географий дене ис-пытанийым пеш вучышым.

25 май. 9 час жап. Звонок шер-гылте. Мемнан классыште геогра-фия дене испытаний тунгале. Ии мынар йоча-шамыч деч йодыш-мек, Мария Федоровна мыймат ончыл партышке лекташ шудыш. Мый билетым лектын налым. Иктаж кок-кум минут гыч тайгасе растительный мир нерген да жи-вотный мир нерген, адак Кольский полуостровышто мом лукмо нер-ген раш каласен пуышым. Каспий-ский тенгыз ден Шем тенгызш мо-гай энер-шамычын йоген пуры-мыштым картыште ончыктышым. Тыге мый кумышо предмет денат испытанийым отлично сдатлышым.

Шубина Эра.

Йошкар-Ола, 1-ше номеран
начальная школа, 4-ше класс.

„Отлично“ отметкым налым

Мый музыкым пеш йöратем, садлан тунемем годым музыка-нат жапым ойыренам. Вет сай му-зыкант лияшлан пеш шуко зани-матлаш кóлеш. Мый детекий му-зыкальный школышко кóдшо ту-немме ийыште тунемаш пуренам. Мый ик ийыште ятыр ончык ка-нам. Тиде специальность дене эре „отлично“ отметка дене тунем-нам, испытанийыштат „отлично“ отметкым налым.

Мый эше 5-ше номеран школыш 3-шо классыштыже тунемам. Туш-тат мый отличница улам. Кызыт 4-ше классыш „отлично“ отмети-но дене вонченам.

Вероника Калина.

Йошкар-Ола детский музыкальный
школышто тунемше.



Детский музыкальный школышто ту-немше Вероника Калина „рояльым“ шокта.

Фото С. Чуршукых.

Социалистический Труд Герой-шамычлан ешартыш отличий знак-шамыч нерген

СССР Верховный Совет Президиумын Указше

Социалистический Труд Герой званий нерген действатлыше Положенийым ешарыме да разви-вйтлыме шот дене, Социалистический Труд Герой званийым удо-стоитлалтше граждан - шамычым поснак отличатлышаш верч:

1. „Серп и Молот“ шöртньö ме-далым учредитлаш. Тудо вич му-чашан звезда форман, покшелны-же сорла ден чöгытан, вес могыре-шыже „Герой Социалистического Труда“ маным возыман лиеш.

2. „Серп и Молот“ шöртньö ме-даль дене Социалистический Труд Герой-шамыч награждатлалтыт.

3. „Серп и Молот“ шöртньö ме-даль Социалистический Труд Ге-ройлан ик жапыштак Ленин орден дене да СССР Верховный Совет Президиумын Грамотыжо дене вручатлалтеш.

4. „Серп и Молот“ шöртньö ме-далыным суретшым да тудын описа-нийжым утвердитлаш.

СССР Верховный Совет Президиум Председатель М. КАЛИНИН.

СССР Верховный Совет Президиум Секретарь А. ГОРКИН.

Москва, Кремль. 1940 ий 22 май.



ЗАПАДНЫЙ ЕВРОПЫШТО САР

Германский армий кок ария жапыште кугу сенгымаш-шамычш шуын. Голландийн да Бельгийн кугу ужашыжым налын, немец-шамыч северный Францийн пуренят, да Амьен ден Аббиль дек сген лектынтыт, тыге союзник-шамычын вийыштым шалатенят.

21 майыште германский бронетанковый часть-шамыч моторизованный пехо-

та полшымо дене противникин фронтшым эше ятыр пунктлаште кырлын да Амьен ден Аббильым руалтен налынтыт. Тыге Францийн Англия дене ушен шогышо Ла-Манш пролившы шумо.

23 майыште ончыл германский часть-шамыч Франция ден Бельгийн Англия дене ушен шогышо Паде-Кале проливны побережышкыже лектынтыт, да Булонь олам налшаш верч кучедалыт. Пытаргыш увертарымаш почеш, германский войска-шамыч Булоньым налынтыт.

23 майыште германский дивизий-шамыч Шельда энгерыште противникин укрепленный позицийже-шамычым сген лектынтыт да Лис энгерын западный серышкыже шумеш ончык каенят. Германский броневой вий-шамыч Ла-Манш французский портла дек лишеманыт.



Сучжоушто йоча-шамычым ужалат

"Цзунмейжибао" китайский газета Сучжоушто японский монах-шамычын 5 ияш гыч 10 ияш марте 300 китайский йоча-шамычым оксала налмышт вергеи воза.

Монах-шамыч каже йочалан 20 китайский долларым туленят. Ола деч то-

раштак огыл, японский монах-шамычын йоча-шамычым наледыме конторышт уло.

Японский монах-шамычын китайский йоча-шамычым молан налмышт да нуным кушко колтымышт пале огыл.

Италийыште школа-шамычым петырат

Италийысе просвещения министерство школа-шамычым 31 майыште петырыме мерген распоряжением

пуэн. Ончыч школа-шамыч 30 июнь марте пашам ыштат улмаш.



Калык герой



Тойво Антикайнен—гражданский сар иялаште интернациональный шко-ышто туземце курсант-шамычын легендарный лыж-ный походыштын руководительже. Тудым Карело-Финский ССР деч СССР Верховный Совет депутатыш кандидатлан выдвигатлыме.

Антикайнен Йолташ 8 ияшак революционный пашам тунгалын. 9 ияшак пашам ыштен, шкаланже кочкаш ситыше оксам лукташыже логалын. 8 ияш социалистический организацийш пур.

Антикайненым 1934 ий ноябрьыште арестоватлат да кок гана судитлат. Ик ганаже 8 ийлан тюрьмаш петыраш ыштат, конымшо процессыште прокурор Антикайненым казнитлаш требоватлен. Но варажым казным курымешлан каторжный тюрьмаш колтымо дене вашталат.

Шукерте огыл тудо тюрьма гыч утаралтын. Кызыт тудо СССР-ыште.

Советский Союзын 22-й Геройно-шамыч


Финский белогвардейщина вастареш кучедалме фронтышто Командованийн боевой заданийже-шамычым образцово шуктымылан да тидын годым ончыктым отвага ден геройствылан Ленин орден ден "Золотая Звезда" медальым вручитлен. 22 еглан Советский Союз Герой званийым присвоитлаш СССР Верховный Совет Президиум Указым луктын.

Йошкар Армийын начальствующий составшым да красноармеецше-шамычым наградитлымаш

Финский белогвардейщина вастареш кучедалме фронтышто Командованийн боевой заданийже-шамычым образцово шуктымылан да тидын годым ончыктым доблесть ден мужество-влан СССР Верховный Совет Президиум тений 21 майысе Указше дене Йошкар Армийын начальствующий ден красноармейский составшым 2 507 егым наградитлен. Ленин орден дене—356 егым, "Красная Звезда" орден дене—469 егым, "За отвагу" медаль дене—935 егым, "За боевые заслуги" медаль дене—734 егым.

Карело-Финский ССР-ыште избирательный кампания

Карело-Финский ССР-ыште кандидат ден избиратель-шамычын вастареш эртаралтыт. Олонец районный центр-ыште СССР Верховный совет Националь-ность-шамыч Совет депутатыш кандидат, партий Олонецкий райком секретарь А. Д. Богданов Йолташ дене да Карело-Финский ССР Верховный Совет депутатыш кандидат, республикыште Паппин лумеш передовой колхоз-ын председателже А. Е. Назарова Йолташ дене избиратель-шамычын вастареш эртаралтыт. 1200 избиратель-шамыч лийынт.



Всесоюзный чл озанлык выставкыште. Снимкыште: Механизаций павильон.



Советский Союз Герой капитан М. Т. Трусев.

Коля Крюков кок всесоюзный рекордым устанавитлен

Шукерте огыл минскысе Йошкар Армий портыш бассейныштыже кугу пайрем лийын. Пайремыште школьник Коля Крюков кок всесоюзный рекордым устанавитлен. Тудо 100 метрым кроль дене 1 минутат 04,2 секунд жап ийын каен.

Параютный кружок

Комеров олесе пионерский клубышто (Новосибирский область) кугурак йоча-шамычлан парашютный кружокым организаватлыме. Кружокышто 70 ег заниматлат.

Кумышо пятилеткыште мо ышталтеш



Волга Каспийский теңызыш йога... Тидым эн начарын туземце йочат сайын пала.

Советский Союзын европейский ужашысе эн кугу судходный энгерже ерышке йога, а тудо нимогай вес теңыз денат ушнен ок шого, тучеш мировой океанышке лекташ ок лий. Эше пеш ожаке эн-шамыч Волган тыге йогымашыже йонан огыл, садлан лийын природын тыгай йогылышым кузе гынат торлаташ йонан кычалынт.

Волган Дон деке эн лишыл улмышым эн-шамыч XIV курымштак маленыт. Европысо купеч-шамыч шке сагуштым Индий, Персий да Аравий гыч Каспийский теңыз гыч Астраханьш шупшыктенят, а варажым Волга мучко Дубовка марте (Сталинград деч изиш кышнырак) кышкы кузенят. Тучешын не э судно-шамычым наггаш куштылго лийже маным, нуно пу рельсым ыштеныт.

Европейский купеч-шамыч Дон мучко улыкыла воленыт да шке кораблыштым Азовский теңызышке, варажым Шем теңызышке луктынтыт.

Донской казак-шамычат, купеч-

шамыч семынак ыштеныт. Дубовка деч изиш кышнырак, кызытсе Камышин ола лишне Волгашке изи энгер—Камышенка йоген пура. Тиде энгер дене кышныла кузаш гын, Донын притокушкыже—Иловль энгер марте кукшу млавде дене судам 4—5 километрым гына наггаш кулеш. Теве тиде корно дене казак-шамыч шкеныштын куштылго судно-шамычшым Дон гыч Волгашке да мотгешла коштыктенят.

XVII курым мучаште Петр I руш кугыжа тиде вереш каналым ышташ да вуд дене кок кугу энгер-шамычым: Волган да Доным ушаш решитлен. Но тиде паша ышташ шукталтын огыл.

Тудо жап гыч ала мынар шудий эртен гынат, Волгаден Доным ушаш шонымашым шукташ лийын огыл. Кугыжан Россиянын правительствыже тыгай нелз да шергын шогышо строительством тунгалын кертын огыл.

Кызыт мемнан эл Волга ден Дон коклаше судходный канал укеалан лийын, шуко не улыкым чыла. Грузым вик вуд корно дене колтымо олмеш, тудым кыртнб корно дене шупшыкташ кулеш, але шуко пачаш поезд

гыч ястарен парходыш опташ, адак тучеш мотгеш ястараш кулеш. Тыге ыштылме кугу энгерым конда.

Мутлан, шуйым налына. Мемнан всесоюзный кочегарка—Донбасс гыч тудым СССР ын север велышкыжат, восток велышкыжат кыртнб корно дене шупшыктат. А Волга да тудын притокуш тиде шуйым союзын чыла европейский ужашышкыже вуд дене шупшыктен кертеш ыле. А тиде лаже Донбасс гыч Волгашке вуд ксрным ышташ кулеш. Мутлан, чодра шупшыктымашым налш. Кызыт чодрам Волга дене улыкб—Сталинградш шумеш колтат. Тучешын ик мынар чодражым Украиньшке, Донбассышке колтат, тусто чодра угольный шахтыште мланде йымалсе коридорым чоткыдемдешлан кулеш. Садланак Сталинградшты чодрам вуд гыч луктын поездышке оптымек, Донбассышке колташ логалеш. Если канал лишеш ыле гыч, чодрам вуд дене вигак Донбассыш колташ лишеш ыле. Тыге мемнан эл оксам миллион тенге дене калык озанлыкын моло кулешыжлан экономитла ыле.

Тидлан лийын, Всесоюзный коммунистический партийын XVIII съездше кумышо пятилеткыште Волга ден Доным ушашлан строительством тунгалаш решеним луктын.

Сталинград деч изиш улынырак, Волга серыште Красноармейск ола уло. Тыште кавалышке пурмо вер лишеш.

Но Донын йоген каймыжым кузе вес велыш савыраш?

Тидлан Дон гыч кугу плотина ышталтеш. Тудын петыралт шумекыже Донышто вуд ешаралташ тунгалеш. Кугу водохранилище лишеш, тышечын ик мынар вудшб канал дене Волгашке колталтеш.

Канал Волжский склон деке Волга вуд деч ятырлан кышкыш мия. Если донойский вудым канал гыч вигак Волгаш колташ гын, 70—80 метр кышкыштан, пеш кугу волопад лишеш ыле. Но судно-шамыч волопад гыч каен огыт керт. Садлан волжский склонышто шлюз ышталтеш, тиде шлюзын полшымыжо дене судно-шамыч канал мучко эркын волаш да эркын кузаш тунгалыт.

Донецкий вуд тынар метр кышкыт гыч улыкб волымыжо дене пеш кугу энергийым пуэн кертеш. Тиде энергий арам ок лий. Тудым электростанций-шамыч использоватлаш тунгалыт. Ик электростанций волжский склонышто, весым—донецкий плотина дран ышташ проектироватлыме. Нуно эллан миллион киловат-час электрический энергийым пуат.

Плотина Доным кышкы, торашке шумеш судходныйым ышта, ончыкыжо реконструкцияшым ыштымеке, парход-шамыч Дон мучко Воронежшкы шумеш каен кертыт.

Волган пурла серыштыже, Сталинград ден Каспийский теңыс коклаште Калмыцкий АССР

уло. Тыште йур шагал лишеш. Эре кукшу ий шога да урожай лийын ок керт, волык ашнымашым шараш мешая. А каналым кунчен шуктымек, Донын икмынар вудшб калмыцкий степным ороситлаш тунгалеш.

Канал эше ик кугу пашам шуктен кертеш. Ученый-шамыч шукертсек Каспийский теңызын эркын-эркын кошкымыжым, изомын толмыжым паленыт. Тиде морской транспортлан да тугак Каспийын рыбный хозяйствыжлан лудмашан. Вет иктаж мынар жап гыч чыла порт талкагыш кертеш, а кол-шамыч тыже-чын каен пынат. А Дон гыч Каспийский теңызыш канал гыч йогашо вуд тудым эре ешарен шогаш тунгалеш, тыге Каспий теңыз огеш пучо.

М. Райхенберг.



Мемнан творчеством

ШОШО ЭРДЕНЕ

Шортньо кече шырғыжалы
Кава помыш гыч лектеш.
Ший йоллажым йыр шаралы
Кумда мландым леведеш.

Шовын шонла оваралын
Эртен кайыш тўтыра.
Лай мардежше "лыж" пуалын
Тамле пушым йыр шара.

Сад пакчашке кайыш толык
Йымыртал мура, чўчка.
Чеве кече шийла моды
Шошо йолжо ден вўчка.

Онгыр гае йўкна дене
Сылке мурым мурина.
Погычалын тўшка дене
Сылке ер дек волена.

Мемнан мурым сылке семже
Шергылт шога йырым-ваш.
Весела пеш шўм-кылнаже
Шошо эрден муралташ

Долгов Миклай,
Сотнур средняя школа.

Частушка-шамыч

Эрат, касат шўдыр коеш,
Чолга шўдыр огыл мо.
Граница гыч письма толын
Изана деч огыл мо.

Йошкар онан кайыкшылан
Йошым луктын шавышым.
Йоратыме изаемлан
Письмам возен колтышым.

Ош куз гай ош капна,
Олма гае чурыйна.
Олма гае чурыйна,
Ордемоносец изана.

Распайкина Фёня поген.

Волжский район,
Эмекоев НСШ,
V класс.

МОГАЕ СЌРАЛЭ ШОШО КЕЧЫЖАТ


Ош шовыр чийшыла коеш ломберла.
Ужаргын-кандын пеледын олыкла.
А озым пасушто оваралын лойга,
Умыр мардеж ден толкыналтын шога.

Сур турий пеш кўшкё чўчкалын кўза,
Сўралын муралын шулдырлажым рўза.
Сылнын пеледше садер кўргыштат
Ныгунамсе деч сылнын кайык-шамыч мурат.

Каваже янда гай,—уке ик пылат,
Ший кечын йолжо мланде ўмбаке шарла.
Мобае сўралэ шошо кечыжат,
Моткоч куаналын пыртка шўмемжат!

Фонарев Егор.

Шернур район,
Коклала НСШ,
7-ше класс.



Сokolnikova Тая (Йошкар-Ола Пионер порт) „Чайки“ панном ыштен. Тиде паннож дене тудо Йошкар-Оласе йоча-шамычын творчествомшым ончыктымаште участвоватлен.

Фото М. Чуршукон.

Испытанийым Отлично сдательм

Тунеммаште вараш кодын
Коштын омыл нигунам.
Урок годым учитель йодын,—
Сай вашмутым пуэнам.

Ынде тольо сылке шошо,—
Испытаний кечына.
Мемнан уке вараш коды,
Ваш полшен тунемына.

Таче кечын мутым луктын
Ушан дене каласем:
Тиде шошым испытанийым
Мый отлично вел кучем.

Кудряшов Вая.

Морко район,
Изикугунур начальная школа.

ВЕСЕЛА КАНЫШ

Сылке кече лектын,
Тўтыра шула.
Порлат *) гане койын
Ужара шарла.

Испытаний эртыш,
Пале лий чыла:
Отлично сдательм
Саша, Сакеда **).

Похвальный грамотым
Налылден Вася.
Ушым кандарашлан
Лагерыш кая.

Модын-воштыл кайышт
Мбгышкышт чылан.
Сай отметка налым
Ешышлан ойлат.

Пиалан йочалык,
Кажнын шўм чўчка.
Вўчка мемнан вачым
Сталин—шўм ача.

ИЖ-БОЛДИН ВАСЯ.

*) Йошкар ситце.

**) Удыр лўм.

Башкирский АССР,
Калтаса район,
Кокушкин начальная школа.

Шош

(Ойлымыш)

— Березин Ивук: — кыч-кырале йук шоктыш.

— Молан? — кычкыралме велыш вуйым савыралы Ивук йодо.

— Таче звеневой сбор лием, код, — звена вожатый Иванов Алеша каласыш. Ивук галстукшым тбрлатышат, сбор лийшаш классыш ошкыльо.

Сборышто вожатый „Ямде лий“ газета гыч ик школысо пионер-шамычын чома ден презым шефыш налмышт нерген статья лудын пуыш.

— Меат тиге колхозын чома ден презе - шамычым шефствоватлаш налына гын, сай лием ыле. Кузе шонедат? — Иванов мутшым кошартыш. Вара Ивук ойлаш мутым нале.

— Мланнат шефствоватлаш тўгалаш кўлеш. Тиге ме ик могырым колхозлан сайым ыштена, а вес могы-

рым ме изинекак вольным ончаш тунемына. Мый эрла гычынак ик презым шефыш налам да шке почешем молымат ужом, — Ивук шке шонымыжым ойлен пуыш.

Пионер-шамыч чыланат я чомам, я презым шефыш налаш келшышт.

Ивук мбгышкыжб толмек, вигак колхоз правленийыш куржеш. Тушто колхоз председателлан шефствоватлаш шонымыжым каласкален да презе ден чомам йоча-шамычлан шеф-



С. ГАВРИЛОВЫН сўретше.

ствоватлаш пуаш йодын. Колхоз председатель Ивукын ойлымыжым куанен вавшийын, чома ден презе-шамычым йоча-шамычлан ончашышт пуаш келшен. Ивук кочкын теммек уроклан ямдылалтынат, йоча-шамыч деке лектын кая. Тудо йоча-шамычлан звеневой сборышто мом мутланымшым да колхоз правленийыш шефствоватлаш пуаш келшымыжым ойлен. Эрласе кече гычак, чома ден презым шефыш налаш решитленат.

Эрлашыжым, урок деч вара, Ивук ден моло йоча-шамыч колхоз вўташ толын. Нунын ден пырля колхоз председателат лийын. Кажне тунемшылан чомам, я презым прикрепитлен.

Кумда, волгыдо вўта. Ушкар, презе-шамыч шога.

— Мый тиде презым шефствоватлаш тўгалам, — манын изи презым Ивук ончыктыш. Йоча-шамыч тувамак шефыш налме презыштым йытырайш, шераш тўгалыш.

— Эх, тый „Настя“, могай чулым улат. Ивук пре-

зыжым йытырайшыжла пелештыш.

Ивук тудо кастенак ушкалым кузе ончымо нерген книга лудап пиже. Тудо ончычат животноводство нерген книга-шамычым шуко лудеден.

Ивук презым эреак книга почеш ончаш тўгалын. Презе койын виянын, кушкын. Кажне кечын тудым йытыраен, мушкын, сайын пукшен. Моло йоча-шамычат презыштым йоратен онченят. Ивук вўташ пура гын, „Настя“ куанышыла коеш да Ивук ончык толын шогалеш.

Чапаев лўмеш звенасе пионер - шамычын примырышт почеш, школысо ятыр пионер тунемше-шамыч чомам, презым ончаш шефыш налынат.



Ынде пионер - шамычын презым, чомам, шефыш налмыштлан кок ят эртен. Пионер - шамычын шефыш налме презышт ден чомашт палаш лийдымын вавталтын.

Тиде жапыште Ивукын ончымо „Настя“ презыже кугу ушкар лийын. Тудо ик кечыште 10 литр марте шбрым пуаш тўгалын.


Кумышо ийлан „Настя“ пеш кугу виян ушкар лийын. Идалыкыште 4000 литр шбрым пуэн.

1939 ий, август тылзе лишемын. Тиде тылзыште Москваште Всесоюзный ял озанлык выставка почылтеш.

Ик гана письмоносец Ивуклан газетым пуэн. Ивук выставкыште участвоватлышаш ег - шамыч списком лудын лекшыжла теве мом ужын:

„Большевик“ колхозын юный животноводшо „Настя“ ушкалым ончен куштышо пионер Березин Ивук Всесоюзный ял озанлык выставкыш колталтеш“.

(Мучаш 4-ше стр.)



Йошкар-Ола ДТС-се эвномоделист-шамыч. Шола гыч пурлашке: Касаткин Сережа, Николаев Авенир, Гаев Вадим.

Ик начар отметкат ыш лий

Ме руш йылме да арифметика дене испытанийым сдатлен улына. Нине испытанийште ик начар отметкат лийын огыл. Шукожо „отлично“ да „хорошо“ отметкым налын.

Тиде кечылаште география дене испытаний лийшаш. География денат ме испытанийлан сайын ямдылалтын улына.

Мемнан ик предмет денат начар отметка огеш лий, манья ушавена.

Водерников Н.

Шернур район,
Казанский НСШ, 7-ше класс.

Вес ий кумышо классыште тунемаш тунгалм

Умаште мый 1-ше классыште тунемнам. 1-ше классым чыла „отлично“ отметка дене пытаренам, садлан мыйым примироватлен.

Мый тенят, умасе семьянак, отлично тунемым II-шо классым пытарышым. Кызыт ынде мемнам каникулыш колтен. Отлично тунемнам, сайын канем.

Андреев Витя.

Морко район,
Кугу-Кожалы НСШ.



ИВУК

(МУЧАШ)

Ивук ончычшым инанемат огыл, пачаш-пачаш луды лектын. Варажым куанымыж дене шижынат шуктен огыл, газетым руалтен да уло кертмыж дене ачаже деке куржын колтен.

— Ончо, уна теве... — маным, ачажлан газетыште шке фамилийжым ончыктен. Ачажат луды лектын да молодец маным эргыжым вучкалтен.

Автомашина Йошкар-Олашке кудал пурыш. Кече шокшо, олаште калык шолеш. Автомашина йуко дене калыккан коранаш шишара. Вот тудо урем лудым савырнен, Советский уремыш кудал пурышат, вокзалыш чымалте. Вокзалыш шумек, нуно машина гыч вольт, изиш лиймек поезд дене Москвашке — Всесоюзный ял озанлык выставкышке кайышт.

Паровоз шем шикшым лудым коден, ончыко шулешт — шулешт чымалтеш. Ялла, колхоз пасула, чодрада „вышт-вушт“ эртен кодыт. Чонланат ласка. Вет Ивук поезд дене эше первый гана кая. Кечат

пелэ гыч поезд Москваше вокзалыш миен шогале.

Вот выставка. Ивукытым түрлө вере ончыктен коштыктат. А выставкыште мо гына уке, чыла уло. „Механизация“ павильон.

Ивук тыште трактор, комбайн, самолет-шамычым да моымат ужеш.

А теве „Садоводство“ павильон. Тыште Мичурин сорт олма, груша, вишня-шамыч улыт. Ивук „Зерно“, „Животноводство“ павильонлаште да моло павильонлаштат лийын.

Кызыт Ивук 8 классым чыла „отлично“ отметка дене сдатлен, 9-ше классыш вончен. Шукерте огыл Ивукыш эше кугу куанымашан жап толын. Всесоюзный ял озанлык Выставкын главный комитетше выставкыште участвоватлыше Ивукым диплом дене наградитлен да оксам пуэн. Ивукын пашам эше чот ыштымыже шуаш тунгалм. Илышыштыже Ивук але теге ик ганат куанен огыл ыле. Василий Семенов.

Ронго район, Руя-Сола сельсовет, „Первый март“ колхоз.

Никколо Паганини

Гениальный итальянский скрипачин кумышлан 27 майыште 100 ий темын.

Никколо Паганини чылалан палыме итальянский скрипач и композитор.

Никколо эше изи улмыжо годымак мандолин да скрипка дене шокташ тунемын. Ачаже шке эргыжын талантше дене шканже доход налшаш тунгалм шонен илен. Тидым пален налмек, 16 ияш Никколо Паганини мбггыж гыч куржын. Тиде жап гыч Никколо Паганини творческий пашаже тунгалм.



Паганини шке музыкальный культуржо дене музыкын кумыштыже пеш кугу полшен. Паганини шкенжын чаплым шоктымыжо дене калык-шамычым брыктарен, пеш кугу впечатленийым коден.

Шке илышыжын пытар-тыш ийлаштыже Паганини Францийыште илен. Гениальный скрипач 1840 ий 27 майыште Ниццеш колен. Паганиним Генуеш то-йымо.

Паганини шкенжын йоратыме скрипкаж деч пытар-тыш кече мартеат ойырлен огыл. Тудын знаменитый скрипкаже кызыт Генуеште аралалтеш.



Якана кайык нерген

Южный Америкыште Якана луман кайык ыла. Тудо коббрен кугыт, тусыжо шеме.

Якана кайыкын кутышыжо 25 — 30 сантиметр, а покшел парнян кутышыжо — 55 сантиметр. Тиде парнян кучыш 21 сантиметр лиеш. Тудын йолжо пеш кужу.

Яканан кузе илымыже нерген палаш нелэ огыл.



Тыгай „ече“ парвя дене чолраште, олыкышто куршталаш ок лий, очыни. Якана вуд умбалне ила. Тудо кувшиныш лышташлаже да вуд умбалнысе моло растений-шамыч умбач коштеш. Якана кайыкым лудыктет гын, тудо вуд умбачын шке „ечыж“ дене пеш пи-сын кая.

ИЗИ ИОЧА-ШАМЫЧЛАН РЫВЫЖ ДЕН ТУРНЯ

(Руш калын йоман)

Рывыж ден турня келшаш тунгалм. Рывыжет турням силаш шонен, тудым шкедекеже уналыкеш ужалш кая:

— Мый кумаем, мый шергаканем! Мый тыйым силем!

— Турня йуаш ужмашке каен. А рывыж маный пучымышым шолтен да тарелка мучко вичкыжын шалатылын. Кочкаш шынденат пеш сила:

— Коч, пагалыме кумаем, — шкеак стряпаенам! Турня нерже дене тарелка мучко шолт шолт; тукала, тукала — нимоат ок верешт!

А рывыж пучымышым нула да нула; теге чыла шкеак кочкын пытара.

Пучымышым кочкын пытарен да ойла:

— Вуеш ит нал, кумаем! Тетла силашем нымат уке.

Турня тудлан ойла:

— Тиде чесетланат тау, кума! Мый декемат унала мий.

Эрлашыжым рывыж турня деке кая, а турня окрошкым ямдылен, агышын анан кувшиныш оптер устелумбаке шында да ойла:

— Коч, кумышка! Чынак, моло силашем нымат уке.

Рывыж кувшин йыр порташ тунгалм. Тышкат, тушкат савырня, кувшиныш нулалеш, ушынынат онча — никузеат кочкын ок керт: вуйжо кувшиныш огеш ну-ро.

А турня кочкын пытармешкыже чунга да чунга.

Вуеш ит нал, кума! Тетла силашем нымат уке.

Рывыжлан пеш йбсын тучын, арня мучкылан ситышын кочкаш шонен, а мбг-




гыжб каен — шунчалтыдым кочкын.

Рывыж турням кузе силен, турняг рывыжым ту-гак силен.

Тылеж вара рывыж ден турня коклаште келшыман пытен.



Чайнворд



1. Кол кучымо ўзгар. 2. Хищный кол кочкышмы. 3. Кавказысе курык вуй. 4. Шудо со-
лымо ўзгар. 5. Сурт кайык. 6. Кол. 7. Ола. 8. Полуостров. 9. Осадка. 10. Йуком кўртнў
воштыр деч посна перелатлыме способ. 11. Кол. 12. Медика-
мент. 13. Кол кучымо ўзгар.

ОХОТНИКОВ МИША

Йошкар-Ола район.

Географический анаграмма-шамыч

„Д“ дене — Байкал озе-
рыш йоген пурышо вуд.
„Ф“ дене — ола ден вуд-
дын лумжым палет.

„М“ дене — Каспийский
тегызыш йогышо вуд.

„Р“ дене — Баку лек йо-
гышо вуд. Петухов Петр.

Кужегер р-н, Иван-Сола СШ.

Воштылыт але сырат

Нине клоун-шамыч дене шотым муаш ок лий: теве келшат, теве шыдежкат.

Вот мый нуным теге сўретле-
нам: сўретыш ончалат — пеш кел-
шышын койыт, сўретым савыра-
лат, нуно адакат шыдежкат.

КОК ПИЙ



Тыште кок черле пий-шамы-
чым сўретлыме. Ныя штрихы
удыралмек, нине пий-шамыч ту-
намак тырлат да кудалыт. Кузе
ыштыман?

Отв. редактор —
П. А. КЛЮКИН.